

牧

齋

初

學

集

牧齋初學集卷第一

還朝詩集上

起奉昌元年九月盡一年

九月初二日奉

神宗顯皇帝遺詔於京口成服哭臨恭賦挽詞

四首

竹符頒郡國王几罷音徽率土悲風動敷天泣  
露晞清霜明祕器紅葉掩容衣慟哭江城暮秋  
笳起落暉

其二

太妊胎而教甘盤學後臣

指江陵張相營齋嘗念母

步禱爲憂民靜攝周函夏分封斷鬼神南郊傳  
累德哀策屬何人

其三

在宥羣方理高居庶物新天爲摧醜虜關白平秀吉自  
覽地不愛金銀言開并  
之役楊柳深宮月梧桐別院  
春昇平多故事載筆詢遺民

其四

光極升遐日南徐慟哭時攀髯生有願臨穴死  
無期侍從朱衣隔臚傳玉筆遺奔喪吾豈敢亦  
欲報恩私

九月十一日次固鎮驛恭聞

泰昌皇帝升遐途次感泣賦挽詞四首  
御極恩方布登遐詔已刊生存臣子恨死孝  
帝王難鳳闕秋霜滿龍樓夜雪殘見星吾敢後  
慟哭向征鞍

其二

妖星頻貫掃白氣久纏綿將作荒三殿上詔修  
三殿  
材官哭九邊上登極卽餉  
九邊二百萬起居宮掖祕清宵御  
容傳國史徵何代三朝并一年時亟議改元未  
達諭年之禮識

者卒以爲謠

其三

丹地飛章日青宮側席時憂危宗社並訶護鬼  
神知禁近終難問彌留竟可疑盈朝董狐筆執  
簡欲何施

其四

憑几將傳命垂衣尚視朝重陰才見晚偏雨不  
崇朝德自三旬著功難百世祧吾君幸有子十

六誦唐堯

嫁女詞四首

余初登第旋奉先人諱里居奉母垂十有一年

乃詣闕補官是時神廟上賓國論喧逐遼寇  
隣突別母北上中心惻愴而作是詩也

中堂何喧闐明燭耀銀缸箱簾啓萎蕤刀尺聲  
琅琅大姊裁羅襦小妹熨袴襠鄰女贈錦段雙  
雙繡鴛鴦阿母鬢婆娑篝燈理中裳阿母向我  
言撫汝嬌且長十載遠汝家頓頷類媯孀輕軒  
宵在門重整嫁時裝女行欣有家阿母心內傷  
牽衣告阿母肯指燈燭光女身如明燭影在阿  
母旁

其二

有家亦云久結縕在高堂云胡背君子不得奉  
尊章歸寧十餘載道路阻且長欲絕忍棄捐欲  
往河無梁戢身事慈母顧影守帷房獨坐親圖  
史行步施珩璜懷哉芣苡詩誦彼浥露章豈若  
魯潔婦陌上行採桑菟絲生陂田終不慕高岡  
芙蓉悴秋風其名爲非霜我生不有命胡爲怨

空床

其三

空床雖獨守終然念所天主人良高臥臧獲偷  
晏安薪窩誰與徒井臼或不完祭祀廢春割寇

盜墮牆垣百憂攬我心逼迫不得言撻床復倒枕  
豈爲兒女歡終身一與齊棄捐永相關况我非棄婦  
何能不沈澗不見漆室女倚柱起長歎

其四

長歎亦何爲會合當有期懷君雙明珠中夜生光輝  
沈淵何足悼光彩諒不虧縞衣與綦巾理我嫁時衣袴服及春風  
何能待秋時醜婦憎明鏡衆女疾蛾眉琴瑟貴靜好閉戶理朱絲行行遠  
阿母回頭涕漣渢翩翩辭歸燕向我飛差池

吳門寄陸仲謀大參

步屢相呼倒接蘿東阡南陌夜歸遲檀槽奏罷  
翻新曲檣燭燒殘覆舊棋燕賞花時無主客催  
徵酒社有文移謝公底事情懷惡只爲中年有  
別離

渡江二首

京江南北路不到十餘年歲月看如此風波意  
眇然浮生催渡客宦況釣魚船何事眉山老歸  
期只問田東坡金山詩云我謝江神  
豈得已有田不歸如江水

其二

山城如畫裏一櫂亦悠哉鈴塔晴相語魚龍靜

不飈澄江千嶂見秋水片帆開約略金山寺會  
聽粥鼓來

儀真西十里褚家堡公館壁版晉江李伯  
元作修館記其文有宋元名家風致李未  
嘗以文章名於世其文集亦不傳感而題  
其後

漆版摩娑字半湮蟲絲鼠跡暗承塵文章頗似  
褒城驛可有停車點筆人

過清流關讀尹二員外

嘉賓

題壁詩云莫

道時清關失險勇夫重閉自春秋歐陽公

曰漠然徒見山高而水清其意尤可感也  
輒書短歌繼之

南滌介恃江淮土清流一關作門戶山環徑複  
路研然萬馬盤空忽軒舞關門懸雷通井幹透  
迤中原去莫捍臨濠王氣芒碭雲後却前迎勢  
凌亂我來吊古清流闢升闢四望山辱顏山高  
水清如昨日戰壘剗削沙蓬閒清流失據暉鳳  
死十五萬人刲羊豕降已分樹石頭釣絲何  
用量江水承平天地無北巾車春糧從所適  
勇夫重閑自春秋尹生之言使我憂

過滁州懷李三長衡長衡偕上公車愛滁  
陽山水有異時吏隱之約故及之

十五年前再往還停車猶記並開顏風霜宛爾  
如君秀泉石依然笑我頑行役總歸鴻爪跡懷  
人仍在馬蹄閒環滁官舍琴臺畔柱笏知誰解  
看山

南滁望滁陽王廟遂趨臨濠道中感而有  
述

我車出南滁遂走臨濠道帝鄉多白雲王侯盡  
宿草緬懷滁陽王一旅起脩保真龍潛魚服椒

塗附蘿葛家人畜 帝后 天子呼翕媼遺業  
資龍興殘軀沒雲擾廟貌良已隆血胤終莫考  
麗牲碑版傳立馬墓田杏嘯歌感牧豎惆悵詢  
父老我觀草昧初羣雄覲大寶逐鹿分犄角探  
龍競鱗爪真人信天授詎能一劙婦牧羊蕩秦  
灰銅馬啓漢造赫赫高光業驅除豈云小滌陽  
追王陳毫都紀年渺史存有諱忌國往無繼紹  
故事文豕譖殘書蠹魚飽善哉秦楚際遷史著  
月表寄語石室人放失事搜討

臨淮田舍題壁贈王鶴年

坦腹便便胥十圍鐵衣拋却臥牛衣恨君不度

三岔水生取

歸

彭城道中寄懷里中游好次坡公在徐寄  
邦直子縣之韻四首

少小論交杵曰閒十年漂泊共郊原燈窓颯颯  
秋風急簾閣蕭蕭暮雨喧笑口嘲轟巾角塾書  
籤狼藉酒杯翻停車欲作相尋夢睡眼揩時淚

已吞

其二

臺頭急雨懷邦直東閣淒風對子縣偶到彭城

尋舊事轉於行役起離憂竊紅舌谷楓霜蚤收  
綠西湖荻水秋料得諸君嘗共醉不知曾詰阿  
儂不

其三

料峭西風汴泗閒江東應念袂衣寒軟紅三尺  
新闢夢嫩綠千章舊釣灘拂水鶯花春寂寂彭  
城風雨夜漫漫情知五百年閒事銅狄摩娑不  
忍看

其四

十日京江不滯留故人趣別我先憂  
鼙鼓喜作

班荆語短許空期彈鋏游擁髻風情傳後閣胡  
床談笑憶南樓掉頭終擬隨公等浩蕩春波戲  
白鷗

徐州雜題五絕句

彭城十日水奔流太守行呼吏卒愁河復詩成  
無一事羽衣吹笛坐黃樓

其二

重瞳遺跡已冥冥戲馬臺前鬼火青十丈黃樓  
臨泗水行人猶說霸王廳

其三

柳老花殘木葉秋  
西風斜日總牽愁  
天涯大有  
多情客不忍經過  
燕子樓

其四

磨盤嶺過出淮東  
捍索如雷百丈洪  
陸走要知  
山下路舟行莫使滿  
颶風要知山下路莫使滿帆風皆是語

其五

鴉軋爭看濟渡舟  
人如鳬鴈集汀洲  
褰衣滅踝  
君休笑自古黃河是濁流

丁未春與李三長衡下第竝馬過滕縣貰  
酒看花已十四年矣感歎舊游如在宿昔

作此詩以寄之

滕縣春來花萬樹花白花紅夾煙霧交加嫩繁  
欺艷陽灼爍繁英炤日暮今我來時秋已老柳  
禿槐黃隕霜露風雨依稀下第身鶯花指點停  
車路與君過此十四春日月如梭事錯互青春  
作伴更幾廻紫陌看花是前度花開花落下成  
谿征人合沓從此去花前掉臂去復來縱見花  
開有何趣羨君真作淡蕩人閒卽牽舟湖上住  
山僧扣門分盤餐榜人刺舟乞絹素西湖煙水  
收綠波靈隱霜林放紅雨征途萍萍君倘憶清

夢悠悠我難赴推尋舊跡如見君花白如銀咏

君句

長蘅寄余詩云毅城山好  
青如黛勝縣花開白似銀

沈吟感歎日欲

西爲君醉酒

田文墓

鄒縣謁孟子廟

歸然騶國里廟門鎖蒼翠鬱盤千年宮檜柏留  
浩氣末學紛壇壝講堂開馬肆妾婦充朝著從  
橫樹師帥獲禽良已詭率獸一何恣嗚呼七篇  
書無乃墜於地棟宇自古昔誰與任塗暨下車  
淚泫然再拜濕階阤

大風發穀城山

驅車穀城山。剴風旋如塊。厓端殷崩雷。石角噫  
衆籟合。沓饑鷗號排。蕩飛鷁。退首塗失西東。亭  
午轉冥晦。天窄危徑裏。日蕩浮埃外。輿諺徒侶  
錯。馬旋尾鬚對跕步。蹴石根却行。壓人背登頓  
鳥道。半經亘蟻封。內歇鞍方問塗。息肩始一喟。  
行看日車斜。坐喜坤軸在。行邁固有時。冥升信  
多晦。善哉前車戒。斯言旅人昧。

發茌平過高唐州

今日宜行旅。天清日融融。徒御行且歌。人馬欣  
相從。朝發魯連鄣。却過平原封。顧此風日美。念

彼道路窮駕車役童豎束燎責老翁袒肩驚肉  
鞍頓足嗟骨脊弓劒趣傳遽竿牘疲郵筒使車  
風颯沓飛騎塵冥濛民勞思小康財盡歌大東  
嗟我亦何人晏坐安車中

河閒城外柳二首

日炙塵霾轍跡深馬嘶羊觸有誰禁劇憐春雨  
江潭後一曲清波半畝陰

其二

長條垂似髮鬢鬢拂馬眠衣總不堪昨夜月明  
搖漾處曾牽歸夢到江南

佟宰餉刁酒戲題示家純中秀才

刁酒沾唇味許長河閒才得一杯嘗儂家酒譜  
卿知不記取清甘滑辣香

其二

北酒盈尊菜滿盤每因西笑憶長安如今又想  
南茶喫悔擲槍旗上馬鞍

和范致能燕山道中絕句八首

吾郡范文穆公成大以乾道六年使金自渡淮  
至燕山塗中有絕句詩一卷自白溝河抵會同  
館凡八首則余入畿南所經歷道也吊古憂時

感歎天水金源遺跡援筆屬和情見乎辭庶幾效矇瞽之義焉

白溝河 范詩注云在安肅北十五里閑才丈餘古亦名巨馬河本朝與遼人分界處

遼宋分疆一線流白溝人說是鴻溝兩河三鎮全輸却殘局休論十六州

范陽驛 范注云涿州驛牆外有尼寺二  
鐵塔夾塗如雪俯瞰驛中

朔漠風來語鐸鈴浮圖如雪夾郵亭使臣中夜

頻欹枕替戾岡音或可聽

琉璃河

范詩云琉璃河上看鴛鴦注云

在涿州北三十里極清泚茂林環之尤多

鴛鴦千百爲羣

花石綱殘花鳥稀乾山雀幾時歸琉璃河上  
乘輶客愁見鴛鴦對對飛

灰洞

范注云在涿北燕南之間兩旁皆

高岡無風而塵土全集不辨人物

燕南涿北殺愁人灰洞無風自起塵一片江南

圖畫裏西湖秋月石湖春

良鄉 范注云燕山屬邑驛中供金栗天生子皆珍果又有易州栗甚小而甘

攬轡嘗新一歎嗟山梨易栗帶胡沙宜春小苑芳菲日苜蓿葡萄屬內家

盧溝 范詩云草草輿梁枕水低蓋文穆過時此橋尚未甃石

已割燕雲却罷休使車容易度蘆溝桑乾河水輿染下依舊長流繞汴州

蹣鷗巾 范注云金接伴使田彥臯所著蓋胡服也

鶉鸞貂鵠總紛紛巾幘何曾遺去虜人閒使南來恭謝北不知誰戴蹋鷗巾

會同館 范注云燕山客館也遼人館本朝使已謂之會同館

攬轡乘輶使指同

攬轡錄致能使金所撰也大中祥符路振使遼有乘輶錄

燕賓館宇雜華風會朝青海班三恪莫訝胡兒說會同

附錄舊詩

吳門送福清公還閩八首

甲寅

都門祖帳藹如林却望形墀淚不禁出處頻煩

明主念安危何限老臣心夢回漸覺朱衣遠身  
退初知白髮深林下有人君側少知公未忍說  
投簪

其二

上帝高居儼肅雍中書退食敢從容舉朝水火  
和羹苦于野玄黃戰血重四海憂來頻緩帶隻  
身朝罷每扶筇可知報主心如醉久矣愁聽長  
樂鐘

其三

介圭爭望錫河山忍聽優歌枯菀閒春盡親王

將就國夜分御札尚封還赤心自懇紫干折丹  
地頻驚扣九關羽翼已成商老去漢庭容易點  
朝班

其四

聖母上賓遺詔出普天開讀淚并流楚宗係累  
泣相見高廟衣冠欣出游餘年至是得釋王  
几自天親改削珠厓何日罷征求詔餘列捐礦一欵上  
御筆去如椽大筆盈懷袖莫忘山東父老憂

其五

甘陵南北久分歧鶴鷺雍容彼一時抗疏有人

盈瑣闥顧名無闕省果恩恩半怨李誰家事白  
馬清流異代悲八載調羹心赤苦臨行諄復外  
庭知

其六

傳宣鈴索待中宵夙夜寧知帝座遙自分朴忠  
要聖主何煩激切擬先朝之國時大臣相  
要伏闕公不可丹  
墀虎豹紛相伏白簡魚龍莽自驕摒檣篋箱留  
諫草欲令惇史記唐堯

其七

拂衣歸揖武夷君九曲僊山帝許分釣碣自

携新煉石臥床還弄舊書雲朝班改隸三元會  
錫命裁成十賚文斗柄瞻相仍在手慢亭光氣  
夜氤氳

其八

閩海爭傳岳降神匝天弧矢護生申契丹使亦  
知无老回紇占應見大人代許孤忠留一柱  
帝思耆德撫三辰吳門咫尺鄰閭闔珍重東山  
五畝身

繡斧西巡歌四首爲徐季良先生作乙卯

繡斧西巡不暫停猿啼宇怨蜀山青胡床襆被

蕭然去片石留爲劒閣銘

其二

竦霧巴煙蜀道遙每瞻參井歎中朝知君未愜  
澄清思又過清江萬里橋

其三

清時指佞豈塗窮眊筆看他御史驄莫道一鳴  
都斥去能言鸚鵡在雕籠

其四

監察繇來比蜀椒不應閑口在中朝遷官解道  
如甘子甘子心頭苦自饒

夜泊滸墅關却寄董太僕崇相四首戊午

滸墅關前薄暮過  
孤裝窮客免譏訶  
榜人莫許逢迎少  
津吏繇來殿最多

同生

推不出

過雨洗鐺

斟慧水迎風倚櫂按吳歌十年漂泊中宵夢怕

聽霜林振鳥窠

其二

閨廬城下雨蕭蕭有客方舟共策遼

謂崇直北相也

總憑山海障自東莫斷懿河腰鑽刀可忘降夷  
狡賜劒還防宿將騎更說天街多客宿起占箕  
尾坐中宵

其三

吳兒誰復說韓徐  
勛業空傳琬琰書  
近見閩中董應舉  
頗推吳下呂純如  
身經海道千盤險  
血濺貂璫十指餘  
但使羣公皆女輩  
不才甘自老樵漁

其四

宿火熒熒冷不除  
酒溫時復點殘菹  
更長細聽關門柝  
燭短麤繙海漕書  
下水帆幘過越嶠  
中宵絃管接姑胥  
清平時節繁華地  
襆被孤蓬信所如

壘前韻答何三季穆

通籍金闈數載過  
閒門羅雀省人訶  
春心駘蕩花閒少  
秋髮續紛酒後多  
但說艱危三太息  
每逢朋舊一悲歌  
五湖只在蒹葭畔  
漁火衝寒警鴈窠

其二

衝車格格馬蕭蕭  
天下徵兵盡度遼  
係累行人傳禿節  
參夷降將託橫腰  
每憂畢口星非舊  
誰禁旄頭氣不驕  
報國自慙無一寸  
坐聽鼙史度寒宵

其三

年來災沴逼揚徐碩鼠曾占草木書有羣鼠渡江之異占  
在草木子湖海憂危惟汝獨恭盧豪傑更誰如燈窓  
俛首心堪折書案籌邊淚有餘春暖洞庭蝦菜  
好可能削跡共佃漁

其四

氣祲冥冥歲逼除行吟自採澤邊芷星占未解  
靈臺奏雲物真慙太史書鐵鎖樓船還建業龍  
衣御酒自姑胥裁詩共有河山淚感激飛騰我不  
如

除夕再疊前韻和季穆寄黃二子羽之作

兼示子羽

除夜閒門冷落過桃符土梗也相訶禰衡姓氏  
投人少韓愈文章逐鬼多幕燕頻煩春社語  
邱雞愁絕夜分歌五行記異憑誰驗鶴鵠年年識

舊窠

其二

隕霜猶未殺菅蕭約略年光轉沈遼低亞梅花  
先索笑欠伸楊柳欲舒腰冰侵綿几書籤冷衣  
覆香篝侍女驕煨芋焚枯吾事足莫將風雪厭

寒宵

其三

黃簾綠幕漏徐徐短檠頻挑夜勘書執苑叢殘

根莖在文人凋謝槿花如金華絕學吳黃後

謂宋文憲公

吳淵頴文憲之師也

太僕遺編歐柳餘

謂崑山歸熙甫

寄語吾徒須努力張羅休效一囊漁

其四

殘雪流澌入磽除歲華荏苒度鹽菹人情簡點  
惟除目世事參差似曆書仕路無因同鼠穴儒  
生何計勒狼胥眼中二子非凡鳥且共翹翔尺

鵝如

牧齋初學集卷第一

牧齋初學集卷第二

還朝詩集下

起天啓元年辛酉盡四年甲子

入朝有作呈詞館諸公

朝朝待漏侍金輿，往往衝寒對玉除。  
每向候人分宿火，却隨堂吏憇周廬。  
長鳴共苦龍雞早，夾立爭看仗馬如。  
傳語詞垣數君子，冰銜三字不堪書。

送兵部董侍郎

漢儒

總督宣大二首

幽并兩道建牙中，列帳蕭然靜朔風。  
千隊市場來種馬，百年御幄護槐龍。  
軍前揮扇油幢碧，閣

裏傳籤畫燭紅挿漢一山屏障外更煩前箸策  
遼東

其二

素囊游牧近雲中挾賞連兵勢漸雄併鎮規圖  
傳往牒嘉靖中宣大山西督撫有三鎮併守之議擺邊殘卒臥雕弓  
中朝但出金繪計胡婦頻仍玉冊封屈指中興  
功第一雅詩吾欲嗣車攻

送劉編修鴻訓頒詔朝鮮十首

鴨江水綠兔山青鴻範猶傳舊典刑新傳五行  
歸論奏清朝訪落待橫經

其二

復國威靈薄海濱龍衣虎節炤青春東藩遺老  
爭垂淚又見神宗舊史臣

其三

金函玉節日邊行遼海榮光接漢京黑水殘波  
休作浪黃河已爲聖人清

其四

七略傳書在漢庭高文典冊竝崢嶸皇家不  
用閒詞賦未許雞林識姓名

其五

箕子墓對檀君祠墓前山色滿城陴知君繫馬  
無窮思正是春風麥秀時

其六

平壤城邊戰骨叢更聞麗婦哭征東熙寧雅樂  
君須訪兼采夷歌備國風宋熙寧中命樂工采樂於高麗

其七

寶文清燕集襟裾飛閣臨川類石渠試按圖經  
問遺跡輶軒莫忘訪遺書寶文清燕皆高麗秘閣臨川閣其聚書籍

所之

其八

屬國山川斥堠連咨諭命使豈徒然圖經舊說  
宣和好不載陪臣贈和篇宋徐兢有奉使高麗  
圖經本朝使臣刻與

陪臣謂和議  
者以爲失體

其九

逆奴四路拒王師一鼓兼聞創屬夷應有  
聖朝哀痛詔滿城忠義鬼先知余議頌詔朝鮮  
當草哀痛詔致

祭東征陣亡屬夷  
而間部無言及者

其十

自古論兵貴伐交出奇左掖搗奴巢詞臣歸獻  
平夷捷弁與衰遲一解嘲東使余以次當行謀  
從東出奇兵搗奴老

巢劉行余遂襄其  
議故未章及之

昌平州唐劉去華故里

不見前朝諫議祠春風古道長茅茨千秋流恨  
成其露兩字驚心是北司烽火中宵傳紫塞風  
霾盡日望彤墀登朝自顧顏何厚欹枕明朝鬢  
有絲

清明日陪祀

定陵恭述二首

紗燈玉斧儼垂旒慟哭珠襦悶一丘是日清明  
射楊柳經年寢廟長梧楸金銀氣白二泉曉環

珮風清別殿秋

今上移宮之後鄭貴妃退居一號殿

望裏香山神

御在衣冠還竝兩宮遊

其二

清秋灑淚送宮車雨露今陪秩祀初路寢裳衣  
憑几在新宮檻桷考工疎<sub>寢殿柱下流赤水如</sub>  
見者異之余謂此非災異也深居尚想神光杳末命如傳燿火餘  
報稱十年違侍從嘔心應在定陵書

恭謁

長陵

文皇神武唐宗後靖難功成戰血殷鐵騎至今

趨朔漠玉衣終古鎮燕山峯迴屏障諸陵拱日落旌旗萬馬還姚榮靖卜長陵云勢如萬馬自天而下前後北征多侍從承平忝竊史臣間

西山道中二首

上陵何美得幽期夢裏西山慰我思泉石雨枯惟有骨鶯花春老尚無姿歸鴉禁鑰愁偏急羸馬斜陽喜竝遲來往鵠鴻紛接武祇應倦羽獨差池

其二

望裏青山開復遮數峯缺處有人家溝渠流出

垣牆水籬落飄來禁苑花夕炤對銜宮樹直晚  
風旁掠酒帘斜軟紅塵土原如許一入東華便  
可嗟

碧雲寺

丹青臺殿起層層玉碣雕闌取次登禁近恩波  
蒙葬地內家香火傍禪燈西山諸寺皆司禮大  
豐碑鉅刻書元宰諸庵碑版皆館大老之文碧海紅塵問  
老僧禮罷空王三歎息自穿蘿徑拄孤藤

香山寺

千峯巒匝更分明礀複岡廻一徑清天遠夕陽

連海色山空晚院聚鐘聲雲從石磴中間出月  
向香臺下界生萬疊煙巒欄檻外不知何處與  
身平

其二

仙仗宸游杳莫攀夕陽騎馬歷辱顏來青禁扁  
傳金母來青軒扁聖皇太后御書慈秀色香山動玉顏  
神宗幸西山額謂侍臣香山獨有秀色佛火自依新月上齋鍾猶  
出莫雲閒定陵松栢呼風急知有神靈扈從

還

經筵記事十首

繩几牙籤進御初 天顏肅穆不會舒案頭回  
得 重瞳聘白髮詞臣跪展書

其二

元老延登講幄新文華祕殿啓埃塵袖中儀注  
中官訝噴噴詞垣尚有人講筵初啓中官聚語之譁然余講論儀注出  
神中頗爲欽容

其三

初日曠曨炤直廬兩行山立聽傳呼侍班卿相  
皆元老直殿將軍是武夫

其四

文華後殿軟輿迎九五齋中對穆清今日講官  
誰稱旨東班庶子最分明

是日高陽公進講誠意章

其五

儒生今日近天家銅尺書籤璧復斜歸去天  
香滿衣桁袞龍袍袖正交加

展書官袍袖每被拂卽衣先輩謗爲

儒臣至榮

其六

棕棚東掖拜恩榮列俎雕盤法酒清不比尋嘗  
賜茶飯人言天子請先生

其七

御氣氤氳繞玉皇西清旭日射衣裳侍臣身在  
爐煙裏頒賜何煩渥手香

展書官內府頒賜渥手香今不可得矣

其八

金鶴鑪然異域香侍臣却立正相望如今鶴去  
人猶似引頸無言御座旁

金鶴香爐下展書官對立之處今鶴

鳥入盜去不問

其九

天矯槐龍想玉除槐廳無復史官居蓬山芸閣  
吾能說只是閑憲讀道書

其十

宋室西羌縛鬼青邇英書殿正橫經遼陽會獻  
奴兒馘定有神書撼索鈴

寄東江毛總戎

文龍

鴨綠江頭建鼓旛閒關百戰壯軍威青天自許  
孤忠在赤手親擒叛將歸夜靜舉烽連鹿島月  
明傳箭過鼈磯紛紛肉食皆臣子絕域看君臥  
鐵衣

春日過易水

驅車信宿驛程閒雙鬢蕭颯春又還易水到來  
偏易感酒人別去更相關暮雲宮闕愁心繞落

日衣冠古道閑老大不堪論劒術要離墳畔有

青山

癸亥元夕宿汶上

薄靄春泥黯黯吹一燈風雨夜何其愁依短檠  
聽更漏悶撥寒爐記歲時好景良宵渾棄擲暗  
塵明月費尋思猜殘燈謎無人解何處平添兩  
鬢絲

甲子秋北上渡淮寄里中游好

登車慙慙騁何方歎息虛名愧服箱世上癡兒  
難了事吾曹小子自成章丹楓數里明殘炤紅

柿千林熟早霜拂水西湖釣游處定知清論滿  
滄浪

其二

少壯真非把翫時俊游今已歎衰遲逃禪定入  
遠公社乞食還過漂母祠問對秋鷹藏老手閒  
臨春鏡簡新絲天涯我亦憐同病落日蒼涼有  
所思

其三

世事閒來細忖量不如高臥味差長柄矛爭陷  
多奇疾食宿相兼乏好方東家子富而惡西家子貧而美里女謂其

母曰欲東家宿也細雨秋蠅尋舊冊微風春燕試新粧故人別後應憐我頭白關山一夜霜

其四

千年王氣萃粉榆渴口淮流竝拱趨禹會於今朝玉帛霸朝空自斷上荆塗周世宗征淮以荆朝同有王氣命斷之後三百年而太祖出分茅總列中都志聚朱蘆

客塗有懷吳中故人六首

王同知孟夙

衣鉢蕭然寄石盂又乘單舸上匡廬生平尚有  
須眉在踪跡真成鶴鷺如蓮葉漏殘秋雨後菊  
花香澹夜禪初郵亭莫笑奔趨數也是雲堂一  
宿餘

李先輩長蘅

鎖院文章京雒塵籌燈每共詰酸辛青袍奉母  
誰如子席帽趨時自有入精舍繙經招淨侶晴  
窓鬪墨趁閒身明年相約桃花水一笑清溪整  
角巾

王僉事淑士

吳超車馬競逐喧中有幽人獨寤言紅藥授書

懷北郭

葉水心教

授紅藥被

居葑門畦青燈讀易想南園角園元孺

俞石闢

注易處也君僑

窩與二公故居相近

齊心梵夾時繙閱抱膝

長編自討論安得丹鉛

從所好與君風雪閑重

門

淑士共丹鉛

深夜重門

彷彿

文狀元文起

蕭然襍被出都城此日班行繫重輕不是翰林  
增諫草誰令天子放門生階前警鶴諳琴德  
竹裏遷鶯和友聲綠浪紅欄佳麗地思君白月

炤柴荆

周吏部景文

獨鶴雞羣自寡儔三閒老屋日西頭夜抽架莢隨兒讀晨擷園蔬享婦羞共許清通持水鏡還期淳朴挽風流三原舊事吾能記老嫗携錢出買油耿忠裕云與王三原隣並每夕見老嫗攜數錢出買油也

鄭吉士謙止

疏草流傳重石渠身爲教學在田廬百篇自可尋師友室還堪給埽除赤壁襟期風月笛台州醞藉畫詩書耗磨歲月多能事莫遣蕭騷鬢

髮疎

寄嚴道徹太守二首

侍帝官如謫籍初一麾況復早縣車蒲團已悟拈花案尺素爭傳倒薤書仙館巖厓君舊築樵陽圖籍我新疏吳門採藥應相待俟棗陽桃好共鋤

其二

朝班點罷卽仙班不出朱門亦閉關爲問君平能市隱何如長史駐人閑銀筒大藥雲膏護石井神丹暮自還行過華陽重廻首如今烏目是虞山

真誥稽神樞淳于轄入吳烏目山中隱居遇仙人慧車子授虹景丹經陶隱居云吳居

烏目山蓋舊志  
是虞山也

渡河題徐州官舫二絕句

白蓮妖賊勢衝波列戍連營盡倒戈辛苦徐州  
汪太守心淵能將隻手障黃河

其二

罪臣交頸寬刀鋸上有詔貰東經待以不死 功守蒙頭  
偪網羅漢法自來難置喙匈奴未滅可如何

天啓甲子六月河決彭城居民漂溺者數  
萬余以季秋過之水尚與雉堞齊方議改  
築悼復河之無人憂改邑之不易停車感

歎而作是詩

亂山遶淮泗合沓圍彭門徐城居其中窪如處  
覆盆黃河天上來蹴踏凌崑崙睥睨不敢前糾  
迴避城垣惟去帝懷明德圭璧有司存獄瀆守  
嘗職馮夷聽要言不然尋丈閒區區築蘿藩  
下捷復積薪胡能障河源今年六月初乙夜河  
聲喧上天無纖雲大地忽倒翻摏撞堅堞隳湖  
澗后土掀魚腹恣吞噬鯨鰐爭翩反老弱實眢  
井襁褓塞茭根至今城頭上波浪猶沄沄麗譙  
棲魚鼈樓櫓刻水痕潮汐迷昏旦日月磨精鬼

上云宜改建墨食惟高原已聞測圭景未能具  
鍤畚古人重遷國詢謀及子孫徐城古如鐵南  
北通舟轅西河距形勝扼險置戍屯誰與平足  
定遷無乃巷議繁去歲地大震今者河橫奔天  
潢溢砥柱地軸搖厚坤東師猶在野西寇時決  
蟠狐狸滿四野虎豹守九閭爛羊費官爵寵鶴  
多乘軒諄復布韻告天意良有存改邑與改井  
瑣屑安足論我聞宋熙寧河決澶淵村老守夜  
行呼河伯廻併吞巍峩黃樓下十丈建旗旛吾  
君神且聖側目憂元元百神咸受職河神其

敢喧小臣司紀載欲敘筆已髡願誦河復詩浩  
歌達

至尊

聞山東賊平喜而書驛壁代書示顧伯欽  
小儀

道梗初爲行旅憂路岐頻向候人謀喜聞直北  
關河信已說山東盜賊收便可脂車通上國不  
須枉道過中州題詩爲報平安字濁酒知君倒  
一甌

次陶給事路叔驛壁韻

攬鏡髭須非故吾匡時會展一籌無道塗碌碌

披牛馬林薄閒閒樂鳥烏碧血有人埋死骨主事萬標杖死  
黑山何日罷征夫還愁巨浸連鄉邑十月敲門吏索租

雨中過清流關

雨氣微茫積翠分旋粧行路景氤氳僧携箬笠穿紅樹人坐藍輿度白雲古磽墮樵衝水下空林落葉隔溪聞鄉心不耐關山笛又聽鐘聲報夕曛

夜過磨盤嶺

積靄沉沉雨氣繁亂山行盡又黃昏深林人語

喧狐戍小院經聲出暮邨  
攫食饑鳥心未飽識塗老馬足堪捫磨盤嶺下千盤路頭白經過始斷冤

王師二十四韻

六月王師捷東方息鼓鼙潢池皆赤子京觀卽黔黎割剝綠肌盡誅求到骨齊相將持棓挺只似把鋤犁大將兵符集中原戰馬嘶可憐禽狗鼠還與餽鯨鯢免已無餘窟羊偏畏觸羝貞猶煩地穴攻亦舞衝梯賊縛加鉤索師還布蒺藜斬溝填老弱竿槊貫嬰兒血併流爲谷屍分踏

作谿殘膏腥竈井枯鹹挂棠梨處處懸人腊家  
家占鬼妻虎饑張亦泣人立豕能啼穴頸同蒿  
艾剗腸見草梯旋風來稟稟哭鬼去淒淒虛市  
稀烟空鄉鄰斷大雞暗行燐自炤春作肯成泥  
兵候天猶慘荒郊日易低停車心悄悄不寐夜  
栖栖寇滅欣彈指奴強恐噬臍天心留微戒人  
事識端倪廟算紓策王功費品題豐碑竝崇

廟

矗矗

夕陽西

題滕縣趙宰邦清祠堂辛酉春趙有書遺  
余譚滅奴方略征播州以勤死

立馬荒祠下，祠門噪晚鴉。  
播州新裏革，藤縣舊栽花。  
拱壁跼踳鼠，書牆詰曲蟆。  
遺編論東略，開匱重咨嗟。

新嘉驛壁和袁三小修題會稽女子詩

紅粉誰人省，識真試臨青鏡已。  
傷神還愁著眼難，分別取次先過妬婦津。

其二

零落風光哀怨人，銀鈎玉筋一時新。  
可憐和墨千行淚，也作郵亭十丈塵。

其三

五湖煙水興茫然塵劫何因問宿緣他日海山尋伴侶洞天深處劈瑤牋

題初祖折蘆圖

一葦飄然截衆流廓然無聖語誰酬金陵夜雨  
嵩山雪白馬青絲出壽州

牧齋初學集卷第三

歸田詩集上

起天啓五年乙  
盡六年丙寅

天啓己丑五月奉詔削籍南歸自路河登舟兩月方達京口塗中街恩感事雜然成

詠凡得十首

破帽青衫出禁城  
主恩容易許歸耕  
趁朝龍尾還如夢  
穩臥牛衣得此生  
門外天涯遷客路  
橋邊風雪蹇驢情  
漢家中葉方全盛  
五噫何勞歎不平

其二

罷免休嗟白髮重軟紅塵土尚舉髮朱絃宛轉  
班清廟天仗森嚴坐辟雍東觀青編時偃仰西  
清黃織日從容他年春雨犁鉏後一一軒渠詫  
老農

其三

雙鬢飄蕭類轉蓬布帆無恙向江東豈知路鬼  
榔榆日猶借河神舶棹風舟抵甲馬營余薄於  
金龍神有反風之異遠駕那須存老馬高飛誰與弋冥鴻江天回首  
真寥廓不礙微雲綴碧空

其四

已分班聯隔鷺鴻祇應伴侶託魚蟲故書堆可

當長枕今雨軒如在短蓬數卷丹鉛還老子

兩朝朱墨付羣公

余讎書舟中草開國功臣事略時方倍擊三案議改正

光廟實錄汗青頭白君休笑漫擬千年號史通新莽

司馬遷鳥  
史通子

其五

世情炎冷日相交堅坐渾如看叫噉去燕來鴻俱作客拙鳩巧鵲總營巢行藏漫欲紓三宿消息真當玩六爻已分灰心思學道奪官何必怨

譏嘲

其六

塵世榮枯通與否  
荅蜀莊祇令老沈冥麟游不省  
戕胎卵龍鬪何知及蝘蜓心靜六時聞刻漏眼  
明五嶽見真形江天雲物清明候或有人看處

士星

其七

齊物粗知蒙邑書詎應戴笠羨乘車敝冠何意  
彈新沐脫髮誰能戀曉梳身隱不須言放逐時  
清未可廢樵漁耦耕舊有高人約帶月相看並

荷鋤

謂程孟陽也

其八

數載奔波苦骨皮除名於我亦相宜已輸勇退  
成高尚更可書空作笑資去國尚占台鼎宿用  
萬眉山去位事以指時相視師難問玉關期高陽請入觀之後爲奄黨所恨  
累疏求去不許閒身贏得無餘事徒倚軒窓自咏詩

其九

單舸衝風滯楚州淮陰南下又無舟誰人解唱  
公無渡對此真令我欲愁黑浪粘天排宋鷁赤  
雲夾日炙吳牛頻年跨下橋邊水炤我勞勞已

白頭

其十

幾番江頭問渡時卽今真箇是歸期夕陽京口  
橫漁艇細雨新豐颺酒旗林鳥自應欣宿早山  
雲尚恐笑歸遲素衣莫歎緇塵化短髮依然舊  
鬢絲

渡淮聞何三季穆之計賦九百二十字哭  
之歸而酌酒焚諸殯宮以代哀誄

今年罷官歸太歲在乙丑端陽發濬河盛夏過  
界首家僮遠來迎衝炎裏糧糗山妻書一紙頗  
問平安不楮尾一二行欹邪字難剖似言旬月

閒失我平生友摩娑以爲無燈視良復有熨眼  
添畧花撞胷類杵臼呼童細問之老淚迸如瀉  
吾友生東海松栢出培塿少小凌輩行長成壓  
儕耦譬如眉著面又若冠戴首江山胷鬱蟠蛇  
龍筆拗謬讀書富等身賦詩捷以手心恥章句  
蠹目笑儒生鯨讀史竄豕魚注經理蝌蚪卓犖  
故不羣經濟雅自負貫穿貴與前畋漁漁仲後  
大事窺掌故小物識雜糅制度令甲乙職官志  
誰某東南水溝洫西北旱田畝食貨紛榷鹽河  
渠費堰帚往往窮源本一一貫樞紐尤諳將相

略能發功利節嫌疑決毫釐支離削駢母世事  
供涕唾流俗喪械杻求志良已奢用我挾以走  
皇皇著作庭濟濟俊人藪引君著其閒夫亦何  
恧忸四十誤儒冠變奇不成偶揣摩雙鬚絲射  
策寸心嘔面顏委塵土文章付曇瞍轉喉已觸  
諱鞠躬亦蒙咎雉羅罹無時雀角獄再培蜀犬  
爭自吠晉獒或有嗾惄惄孤憤盈戚戚憂生久  
一從吾黨游礮鐵永相取誰誦然宿火清言酌  
昔酒寒燈吐殘花春盤薦新韭夜雨泊小舟明  
星坐高阜陶陶移日夜忽忽過卯酉石渠滋同

異堅城互攻守史家訂朱墨文苑蘿稂莠破愁  
仗酒兵白戰啓辯牖角逐急追逋歡喜快爬垢  
拍案豈好辯絕倒呼善誘屏風僵倦僕鄰牆起  
睡叟伊余苦顙蒙乘馬不知杜以友爲鞭策頻  
年賴擊扣傲兀喜見君敝衣不掩肘長風起青  
蘋高霜肅蒲柳摧頽塌翼時使我氣亦陡辯博  
開心蒙堅彊剝顏厚直諒而多聞夫誰出君右  
去年京江別臨分出苦口自言星星髮不紓若  
若綬室無伶玄妾家有馮衍婦功名今已矣歸  
與老覆釜君墓田在覆釜山虞  
山支山也見高僧傳明發易前期豈

謂訣尊白宦海多喧逐世運值陽九憂憂上竿  
魚蒙蒙喪家狗尚期與親串笑談共蔬穀斯人  
今不存有酒誰鼓金俯仰一淒斷哀歌向南斗  
嗟君不遇時被褐泣瓊玖習習鳥觸籠圉魚  
在笱孤生嘗坎坷高步忤夷醜躍馬悲生髀引  
弓志中鶻國論憂沸騰戎索憤踐蹠窓櫺圖九  
塞藜藿念三后視天信夢夢閔人實惄惄云  
胡信宿聞鬼伯坐相趣盛年顧日景壯志蔽牆  
輶輶策罷東略簡編絕西狩巫陽逝不招靈璵  
邈難叩高高不可諭耿耿何時朽意者視不舍

無乃柩或吼殮死能爲厲前志豈云苟聞君病  
彌留危坐視枰枰清明飭衣巾暇豫戒朋舊室  
家本逆旅兒女同穀穀逝將歸樂土相與宿春  
皋從茲離怨親况乃念譏詬裝嚴辨早發夜盡  
罷干輒快若辭穿絡行矣脫繩糾知幻剖膠革  
觀空餉瓶瓶報盡期種蓮瞋忘豈入蘿荆凡無  
喪存彭殤何夭壽是夢本非真一覺了不受哀  
哉蠅蚋羣競此蘿貉久死已醒吟嘆生猶歎于  
喟斯言吾亦贊君其笑窶數

次韻答徐大士王謝餉參之作

自從失清河人。僂價騰貴金繪市。久絕包茅貢。  
不至桓桓毛將軍單師與虜對來獻皮島捷數  
莖遠將寄周德方休明楷矢在箇笥藥物可託  
諷肉食豈知媿頃聞柳河敗憊憊夜不寐繾茲  
包蕭歎感彼葛藟憂心自煎熬服食轉顛賴  
聊以詒吾友珍重靈草視臭味敢差池甘溫庶  
同類佇看復舊遼貂參滿內地載約賚此章共  
拜吾君賜

贈星士

澆書攤飯醉仍眠任運騰騰信往緣萬事未曾

惟有死此生自斷豈繇天宿醒已過一千日小  
駐還須五百年更進一籌君識否海山兜率正  
茫茫然

依韻答江上李貫之

雀喧鳩聚亦凶凶寂莫秋江媿臥龍有北已知  
人共畀東家何意子爲恭憂時君比張平子埋  
炤吾懷阮嗣宗席帽山頭相憶處秋風茅屋捲

三重

投老

丙寅閏六月廿一日

投老經年掩草門清齋佛火自晨昏衣裳旋覺

蛩  
躋  
改籬落頻看木槿繁時至雄風生左角夢  
迴斜日炤西垣水邊林下君知否定有高人一  
笑論

惆悵詞三首

清切吳音和梵音殘經晚院影沈沈含嬌欲共  
荷花語寂寂誰知不染心

其二

羅袖當風憶舞腰雙蛾不逐黛痕銷雲鬟霧髻  
依稀在只是冰心未許描

其三

秋風偏向夜窓清一片銀河畫不成俗殺陳王  
神女賦月明吹作步虛聲

步虛聲陳思王所作

蝶詞四首

一庭花霧晝冥濛蝴蝶雙飛逐好風依約黃簾  
還繡幕可曾飛過宋家東

其二

顛倒鴛鴦手自裁封題重疊又頻開生憎蝴蝶  
非青鳥却放雕籠鸚鵡來

其三

倚盡疏窓十二闌愁腸不似帶圍寬春光殢殺

宋本集卷三  
八  
閒庭院蝶雙飛也作團

其四

小院廻廊日漸西雙雙戲影共妻迷春風自愛  
閒花草蝶何曾棟樹棲

小至夜翁孝先兄弟拏舟相邀與寇白泥

飲

銀燭何煩炤鑿粧十眉端合坐生光白頭未可  
妨歡笑紅粉猶能恕酒狂桃葉話殘人似夢鶯  
歌聞罷夜還霜明朝發興拌泥飲莫放愁隨一  
線長

寇白

雙鬢輕攏首未膏風懷約略比春濤問名欲傍  
香山柳得姓還從萊國桃慵倚晚粧殘畫燭愛  
翻新曲倚檀槽塞惟泛瑟吾能賦莫謂閒情不  
似陶

程將軍

相如

挽詞

據鞍橫海劇論兵柳市花宮任借名三矢何曾  
悲老大用廉一錢豈但直生平用程不識事歌姬零  
落吹簫去門客淒涼乞食行至竟英雄埋骨處  
白楊塞草亦蕪城

瞿五丈星卿挽詞四首

尚書神道儀儀刑閣老文章炤汗青

福清少師爲作墓銘

三世簪纓存舊德百年陵衍見遺經山中尚想

瞿硎叟

瞿硎見晉書隱逸傳海虞人沒塘得其墓刻傳云葬於此

天上仍看

傳說星夢裡駁婆何處所良嘗知已勒新銘

君嘗

瞿夢身爲駁婆殿主

其二

少年民譽已清流晚節孤風更寡儔宦况蕭閑  
如漫叟家告恭謹類恬侯畦蔬過雨親芟櫛書  
草簷燈重勘離歎息斯人今不作竿簎自上釣

魚舟

其三

湖重岡複草芊眠鬱鬱西山好墓田馬鬣封塋  
依丙舍兔園燈火記丁年存家笏是先朝賜誓  
墓文應後世傳釣水遊丘連宰樹鄉人加敬拜  
新阡

其四

衰鬢驚秋歎索居閑思朋舊轉蕭疎登朝劇喜  
彈冠日投老相期汗簡餘君著皇明臣略  
頗就余商榷月白  
東臯頻命酒花深北郭共巾車西風老淚憑誰

灑寂寞空齋畫紙書

玉川子歌題玉川子畫像玉川子江陰顧  
大愚道民也深目戟髯其狀如羽人劖客  
遇道士授神行法一日夜走八百里居楊  
舍市去江陰六十里人試之與奔馬竝馳  
玉川先至約十里許任俠喜施舍好奇服  
所至兒童聚觀亦異人也

玉川子何弔詭朝游淮陰城暮宿吳門市萬廻  
不足號千廻趙北燕南在脚底剗風怒生兩腋  
邊蹇驢摺著巾箱裏闊衣襪高屐齒長須奴赤

脚婢白牛爲服乘駱駝背行李石猴小于拳檻  
虎馴而跼儼如洪崖先生負戴共移居又如中  
山老道扶携出遊戲市兒拍手羣追隨君亦蚩  
蚩頗自哆今年六十五素絲披兩耳髮短心尚  
長足縮踵猶跋我觀世人之行盡如馳熙熙攘  
攘往來疾於矢爭名奪利死不休鍾鳴漏盡行  
未已閒隨豎亥步天地忙與羲和競刻晷君今  
江頭老布衣胡爲乎芒芒奔波亦如此世路苦  
偏側出門不容軌孟郊顰眉阮籍哭虎豹擇人  
魑魅憲擇地徐行猶恐遭顛頓盡氣狂奔何以

避棘枳我昔盛年好馳騁今縛誅茆守蓬藋香  
篆縈簾閣不開凝塵蔽榻裘如委君之疾馳襄  
糧重繭良已疲我方神游于徐欠伸猶未起漆  
園雙蝶夢正甘華山五龍睡初美君歸來乎從  
我游悔不與君折其趾圖中一叟類道者幅巾  
黃綠著麻履權奇傲儻闊不見安閒蕭散差可  
擬披圖展玩更對君乃知畫工有深旨同牀異  
夢各不知坐起問景終誰是吁嗟乎君其善識  
圖中意它年爲君作傳竊比方山子

休休歌示禪人漢月

休休休咄咄莫問胡天與漢月多閒口餽敗  
闕正好拈來一筆刷君不見牧齋老人太痴絕  
不事參禪不縛律天寒霜重苦不眠兩脚凍僵  
如削鐵起來開尊斟美酒煖簇熏籠煨榦拙呵  
手頻偎酥粉冒靨唇屢竊鸚哥舌擁被醺酣欲  
上潮倒床鼻息如雷發日高三丈夢未醒憑君  
有口如何說休休休咄咄君家禪宗我不會  
夜來燒却乾矢榦

蠟梅二首

羅浮曾見夢中身  
鬢新粧改麴塵雀噪乍驚

三月露嶺南薔薇露染衣輒黃  
山谷詩色染薔薇露蜂歸暗簇十分  
春染成官樣宜金屋剪出花房惱玉真寂寂銅  
瓶愁對汝扣門還憶縞衣人

其二

涪翁戲咏惱人香京雒居然壓衆芳風味爲君  
傳譜牒晶明終自恨平章蠟梅以山谷二詩盛  
於京雒山谷云花似  
明頗爲蠟梅減價釵頭雪色消金縷帳底春心  
啓蠟房莫以黃中笑梔貌尤廷之蠟梅詩梔  
貌寧欺我輩人  
蠅今日逼江鄉范石湖梅譜蠟梅品  
最下者俗謂之狗蠅

陸仲子移贈蠟梅二株次前韻爲謝

綠衣約略是前身幻出宮粧不染塵馨口半含  
仍索笑檀心通體自生春禪家漫說脾爲蜜仙  
女休誇額點真風物羨君香閣裏纖纖蠟對  
佳人

其二

野外垂垂鎖暗香移來庭院借君芳蜜奴破雪  
催春信蠟使衝寒拆報章絳淺黃輕呈國色金  
塗銅背綺花房寒梅瘦勁終難狎只合溫柔老  
是鄉

再疊前韻二首

萬蘿依然託此身  
生香迥自出埃塵  
凌寒數朵偏辭雪  
映日千房各貯春  
霜文換青排冷豔  
月娥暈白鬪清真  
移根漫說吳中譜  
不信司花肯借人

梅譜蠟梅經接者  
花疎其品最佳

其二

閒庭小院始去生  
香燭暗簾開別有  
芳針縷黃緣爲侶  
伴步搖支綴見文章  
翹衣綽約宜當夕  
黃裏依微恐退房  
莫道南枝成別種  
歲寒誰共白雲鄉

白雲鄉

梅譜蠟梅  
本非梅類

薛文饋大魚兼寄二絕句戲答

長魚發發帶冰脂想見寒江出網遲放箸驩娛  
看一飽夜來風雪老漁知

其二

臥劎朝來割素馨金盤已見鱠如絲當筵置食  
還三歎爲憶衝波跋浪時

寒夜聞姬人語戲作

衣篝寒覆五更霜枕畔車鳴夢許長逐客并無  
員外置姬人猶說侍中郎綠衣公論吾何恃紅  
粉流年汝未忘漸喜花朝近生日擬裁致語慰  
淒涼

丙寅除夕

寂寂田家老瓦盆歲時兒女共寒溫流年已錢  
如過客窮鬼頻除尚欵門夜靜曙光凝竹柏窓  
虛雪色泛琴樽殘燈側畔冠巾影心跡憑誰子  
細論